

Zonas:												
Especies:												
	X	F	M	A	M	X	XI	A	S	O	N	D
Rareos												
Zonas:												
Especies:												
	X	F	M	A	M	X	XI	A	S	O	N	D
Limpezas e arados												
Zonas:												

Outras consideracións ⁽⁹⁾

Con respecto aos PARTICIPANTES, figuran só 3 embarcacións das 6 que estiveron incluídas no plan de explotación ata o presente ano.

No plan de explotación de algas para o ano 2007 non se contempla ningún motivo de exclusión dos participantes do plan de explotación, ao igual que sucede no plan de explotación presentado para o ano 2008. En calquera caso, a non inclusión dunha embarcación (e a súa tripulación) nun plan de explotación motivada pola ausencia de vendas o cal reflicte que non tivo actividade extractiva, ou por non estar asociado á entidade que presenta o plan, non está contemplada na normativa vixente que regula a explotación de recursos mariños, nin a renovación das modalidades de recursos específicos no permiso da embarcación. Polo que non se poden aceptar estas circunstancias para excluír as embarcacións mencionadas do plan de explotación para o vindeiro ano.

Os plans de explotación son ferramentas para a xestión da explotación na que se recolle a planificación da actividade extractiva e as medidas para unha explotación sostible. Cando se trate da extracción de recursos dentro dun plan de explotación, a **autorización para realizar o mergullo** é concedida coa aprobación do plan para a zona e período de vixencia do mesmo, debendo a entidade presentala aprobación para efectos de seguridade que da a capitanía marítima correspondente (orde de 13 de xuño de 2001 pola que se modifica a do 23 de abril de 1999 pola que se regula o exercicio do mergullo profesional). Isto non exclúe a aprobación dun plan de explotación con participantes que por diversas causas non exercen inicialmente a actividade, debendo comunicarse cando se incorporan á actividade extractiva e correspondendo tamén a súa inclusión na autorización da capitanía marítima. Os participantes non poderán desenvolver a actividade sen estar incluídos no plan de seguridade, pero esa inclusión pode ser por un tempo determinado, e non obrigatoriamente por toda a vixencia do plan.

Para que estas embarcacións e as súa tripulacións podan exercer a explotación de algas será necesario un informe da sección de formación da delegación territorial sobre a actividade de mergullo na que se inclúan como participantes no plan. Agora ben, se durante o proceso de renovación da modalidade de algas para o vindeiro ano as embarcacións xxxxx, ao igual que o resto que participantes do plan, non acreditan ter enrolado un mergullador titulado, non revalidarán a modalidade de algas do seu permiso de explotación e decaerán do seu dereito a participar no plan, creándose as vacantes correspondentes.

Para explotar os recursos específicos necesariamente débese estar nun plan de explotación, polo que é responsabilidade das confrarías o censo de participantes e deberán responder en caso de que os produtores recorran á vía xudicial. A privación do dereito de exercer a actividade marisqueira por parte dunha confraría que supoña a exclusión do plan de explotación, sen que teña lugar a través do oportuno procedemento sancionador cando esa situación se contemple nos estatutos da entidade ou regulamentos internos, é delicada ao non contemplarse tal situación na normativa que regula á explotación dos recursos, nin o permiso de explotación como xa se indicou anteriormente. Polo tanto, **estas 3 embarcacións manterán o seu dereito a participar no plan de explotación de algas da confraría de Aldán**, salvo que a entidade (a través do seu representante legal) acredite documentalmente que os armadores das embarcacións excluídas coñecen o contido do plan e está conformes

Para evitar solapamentos co plan de explotación de algas de Cangas, o límite é Punta Couso (42° 18' 34.70''N-8° 51'20.14'W).

A autorización para o uso das distintas técnicas de mergullo está supeditado a que os mergulladores estean en posesión dos certificados profesionais acordes coa técnica empregada, así como ao estricto cumprimento da normativa sobre o mergullo.